

Inatsisartut Suleriaasianni § 37 imm. 1 naapertorlugu Naalakkersuisunut apeqquut imaattoq matumuuna saqqummiuppara:

Naalakkersuisunut apeqquut:

- 1. Soraarnerussutissiassanut ileqqaaruteqarnissamut nunaqarfinni isorliunerusuni illoqarfinnilu mikinerusuni bank-eqanngitsuni allatulluunniit qanimut ilitsersorneqarnissaamut inuit periarfissaqanngitsut qanoq ilitsersuunneqarpat?**
- 2. Aalisarnermik piniarnermillu inuussutissarsiutillit inuussutissarsiuteqartut soraarnerussutissiassanut ileqqaaruteqarnissamut nutaamut atatillugu immikkut aaqqissuussivigineqarpaat?**
- 3. Namminersorlutik Oqartussat utoqqalinissamut ileqqaartalernissamut aaqqissuussinermut nutaamut atatillugu annersumik paasisitsiniaanissamik pilersaaruteqarpaat?**
- 4. Soraarnerussutissiassanik kikkut tamarmik ileqqaartussaataitaanerannut nutaamut atatillugu paasisitsiniaanermi SISA-p oqaatigaa soraarnerussutissiassat erniortinneqartut soraarnerussutissiassalinnut iluaqutaanissaat qulakkeerniarlugu, illuatungaatigut bank-it nalunaarput soraarnerussutissiassanut katersat erniaqanngitsut, tassagooq bank-i aningaasanik Nationalbank-imi uninngatitsiguni akiliisariaqartarmat – taamaammat paaserusuppara sorleq ilumoorpa?**

(Inatsisartunut ilaasortaq Anthon Frederiksen, Partii Naleraq)

Tunngavilersuut:

Maannamut paasinarpoq aningaaseriviit SISA-lu kisimik annerusumik inuiaqatigiinni paasisitsiniaaneq ingerlakkaat. Aamma paasinarpoq Namminersorlutik Oqartussat taamaallaat qarasaasiakkut paasisitsiniaanerit innersuussutigingaas. Nalunngilarput inuppassuit qarasaasiaqanngitsut pingaartumik nunaqarfinni isorliunerusunilu najungallit aamma eqqarsaatigalugit.



Taamaattumik qulaani apequtit akissuteqarfigineqarnissaat itisilerneqarnissaallu paasisaqarfigerusuppakka.

Apequtit ullut suliffiit qulit (10) qaangiutsinnagit akineqarnissaat kissaatigaara.